

1. **MINISTARSTVO ZA BORAČKA PITANJA KANTONA SARAJEVO**, ulica Reisa Džemaludina Čauševića broj 1, Sarajevo, koje zastupa ministar mr. Ismir Jusko, (u daljem tekstu: „Ministarstvo“),
2. **OPĆINA STARI GRAD SARAJEVO**, ulica Zelenih beretki broj 4, Sarajevo, koju zastupa Općinski načelnik mr. Ibrahim Hadžibajrić, (u daljem tekstu: „Općina“) i
3. **ISLAMSKA ZAJEDNICA U BOSNI I HERCEGOVINI, UDRUŽENJE ILMIJJE**, ulica Zelenih beretki broj 17, Sarajevo, koje zastupa Predsjednik Udruženja Ilmijje Nesib ef. Hadžić (u daljem tekstu: „Udruženje Ilmijje“)

zaključuju slijedeći:

## **SPORAZUM** **o sufinansiranju sanacije i restauracije** **Centralnog spomen-obilježja imamima šehidima Bosne i Hercegovine**

### Član 1.

Predmet ovog Sporazuma je regulisanje međusobnih prava i obaveza sporazumnih strana pri realizaciji projekta Sanacije i restauracije Centralnog spomen-obilježja imamima šehidima Bosne i Hercegovine koje se nalazi u krugu Gazi Husrev-begove medrese u Sarajevu, Općina Stari Grad Sarajevo (u daljem tekstu Spomen obilježje).

### Član 2.

Sporazum će se implementirati na način da Ministarstvo za potrebe izvođenja radova iz člana 1. ovog Sporazuma obezbijedi sredstva u ukupnom iznosu od 30.000,00 KM (tridesethiljada KM) iz Budžeta Kantona Sarajevo za 2019. godinu („Službene novine Kantona Sarajevo“ broj 6/19 i 26/19).

### Član 3.

Aktivnosti oko sanacije i restauracije predmetnog Spomen obilježja je pokrenulo Udruženje Ilmijje koje je i izgradilo Spomen obilježje. Udruženje Ilmijje je i nosilac svih aktivnosti.

Obaveze Udruženje Ilmijje su:

- Obezbjedenje potrebne dokumentacije sa predmjerom radova,
- obezbjedenje potrebnih dozvola za izvođenje građevinskih radova,
- izbor ponuđača i potpisivanje ugovora o izvođenju radova sa ponuđačem,
- obezbjedenje nadzornog organa nad izvođenjem radova,
- pridržavanje svih zakonskih obaveza,
- podnošenje finansijskog i tekstualnog izvještaja sa prpratnom dokumentacijom.

#### Član 4.

Vrstu radova koja će se sufinansirati doznačenim sredstvima će definirati Udruženje Ilmije u skladu sa nivoom obezbijeđenih sredstava, a prema utvrđenom prioritetu sa stručnog-gradevinskog i ekonomskog aspekta.

#### Član 5.

Ministarstvo se obavezuje:

- da u roku od deset (10) dana računajući od dana potpisivanja Sporazuma od strane ovlaštenih lica sporazumnih strana, a u skladu sa dinamikom osiguranja budžetskih sredstava, doznači sredstava iz člana 2. ovog Sporazuma u korist depozitnog računa Općine Stari Grad Sarajevo broj: 1010000071133630 kod Privredne banke d.d. Sarajevo, vrsta prihoda 742114, šifra općine 109.

Sredstva će se isplatiti na teret pozicije 615100 „Kapitalni transferi drugim nivoima vlasti“ DAI001 „Sredstva za postavljanje i sanaciju spomen obilježja šehidima i poginulim borcima na području Kantona Sarajevo“.

#### Član 6.

Općina se obavezuje:

- da će u skladu sa zakonskim propisima Udruženju Ilmije izdati potrebne saglasnosti i dozvole,
- da će Udruženju Ilmije doznačiti sredstva osigurana ovim Sporazumom na primjeren način.

Općina zadržava pravo da u skladu sa svojim ovlaštenjima i mogućnostima podrži sanaciju i restauraciju predmetnog Spomen obilježja na finansijski, stručno/savjetodavni i drugi način. Vrstu i obim podrške kao i međusobne odnose, Općina i Udruženje Ilmije će regulisati posebnim dokumentom.

#### Član 7.

Općina i Udruženje Ilmije se obavezuju da će odobrena finansijska sredstva utrošiti namjenski i u skladu sa zakonskim propisima te po okončanju aktivnosti, odnosno utrošku sredstava podnijeti izvještaj Ministarstvu.

Ministarstvo može zatražiti podnošenje privremenog finansijskog izvještaja, naročito ukoliko realizacija aktivnosti bude trajala duži vremenski period.

U slučaju da vrijednost izvedenih radova u ovoj fazi bude manja od doznačenih sredstava, Ministarstvo je saglasno da se preostala sredstva koristi za dalje radove na Spomen obilježju.

Ukoliko se utvrdi da doznačena sredstva na račun Općine nisu korištena i utrošena za realizaciju projekta iz člana 1. ovog Sporazuma, Općina se obavezuje da izvrši povrat sredstava u korist računa budžeta Kantona Sarajevo, i to, u roku od trideset (30) dana od dana konstatovane nepravilnosti.

Ukoliko se utvrdi da doznačena sredstva na račun Udruženja Ilmije nisu korištena i utrošena za realizaciju projekta iz člana 1. ovog Sporazuma, Udruženje Ilmije se obavezuje da izvrši povrat sredstava u korist računa Općine, i to, u roku od trideset (30) dana od dana konstatovane nepravilnosti.

Ukoliko Udruženje Ilmije odustane od realizacije projekta, obavezuje se da će o nastalim

okolnostima obavijesti Općinu i Ministarstvo, te po prijemu odgovarajuće instrukcije izvršiti povrat doznačenih sredstava na račun Općine, koja će ih proslijediti na račun Kantona Sarajevo.

#### Član 8.

Sve izmjene ovog Sporazuma mogu se vršiti isključivo i samo uz pismenu saglasnost strana potpisnica Sporazuma.

Na odnose koji nisu regulisani ovim Sporazumom primjenjuju se odgovarajuće odredbe Zakona o obligacionim odnosima.

#### Član 9.

Strane potpisnice Sporazuma su saglasne da će eventualne sporove koji bi proizašli iz ovog Sporazuma riješiti mirnim putem, a u nemogućnosti takvog načina rješavanja, spor će rješavati stvarno nadležni sud u Sarajevu.

#### Član 10.

Sporazum stupa na snagu danom potpisivanja od strane ovlaštenih lica sporazumnih strana.

#### Član 11.

Ovaj Sporazum je sačinjen u 6 (šest) istovjetnih primjeraka, od kojih svaka strana potpisnica Sporazuma zadržava po 3 (tri) primjerka.

Ministarstvo za  
boračka pitanja

Općina Stari Grad  
Sarajevo

Islamska zajednica u  
Bosni i Hercegovini  
Udruženje Ilmijje

Ministar

Općinski načelnik

Predsjednik Udruženja  
Ilmijje

mr. Ismir Jusko

mr. Ibrahim Hadžibajrić

Nesib ef. Hadžić

Broj: 06-14-24772-1/19

Broj: 01-05-4-2941/19

Broj: UI-03-234/19

Datum: 03.10.2019. god.

Datum: 03.10.2019. god.

Datum: 03.10.2019. god.